



Broj: S-06-02-4-859-1/26

Datum: 7. 8. 2026.

PARLAMENT FEDERACIJE BOSNE I HERCEGOVINE

Zastupnički/Predstavnički dom

n/r Ivan Miličević, tajnik

VLADA FBiH

n/r Tajnika Vlade, dr. sc. Edita Kalajdžić

Bosna i Hercegovina
Federacija Bosne i Hercegovine

PARLAMENT FEDERACIJE

SARAJEVO

Broj: 25-06-2026			
Org. jst.	Broj	Priloga	Vrijednost
05/1	-02-	392	126

PREDMET: Odgovor na zastupnička pitanja/inicijativu Sanela Kajana, zastupnika u Zastupničkom domu Parlamenta Federacije Bosne i Hercegovine, d dostavlja se

VEZA: Akti Tajnika Zastupničkog doma Parlamenta Federacije, broj: 05/1-02-392/26 od 25. 6. 2026. i 9. 7. 2026.

Vaš akt, broj: 03-04-752-6/26 od 29. 6. 2026. godine

Poštovana,

postupajući po Vašem aktu, u skladu s člankom 116. stavak (3) Poslovnika Zastupničkog doma Parlamenta Federacije Bosne i Hercegovine, dostavljamo Vam izjašnjenja na zastupnička pitanja / inicijativu Sanela Kajana zastupnika u Zastupničkom domu Parlamenta Federacije Bosne i Hercegovine.

U nastavku odgovori na postavljena pitanja:

1. Da li je Zavod za javno zdravstvo Federacije Bosne i Hercegovine od 22. juna 2026. godine bio uključen u praćenje mogućih posljedica požara na deponiji Uborak po zdravlje stanovništva Mostara i okolnih naselja?

ZZJZ FBiH je cijeneći zdravstvenu, okolišnu i sigurnosnu situaciju uzrokovanu požarom na komunalnoj deponiji na području Grada Mostara, sačinio prijedlog javnozdravstvenih uputa za postupanje stanovništva u datim okolnostima i iste prosljedilo Gradskoj upravi Grada Mostara, Službi za civilnu zaštitu i vatrogastvo Grada Mostara, Zavodu za javno zdravstvo HNK/Ž, Upravi za civilnu zaštitu i vatrogastvo HNK/Ž, medijima te istu objavio i na internetskoj stranici Zavoda.

Istovremeno, ZZJZ FBiH je kontrolirao zdravstvenu ispravnost vode za piće iz javne vodoopskrbe (sa izvorišta i iz distribucijske mreže). Voda za piće je, nakon tehnologije obrade (filtriranje i dezinfekcija), odgovarala parametrima zdravstvene ispravnosti propisanih važećim Pravilnikom o zdravstvenoj ispravnosti vode za piće („Službeni glasnik BiH“, br. 40/10, 43/10, 30/12 i 62/17) (dalje u tekstu: Pravilnik o zdravstvenoj ispravnosti vode za piće).

Potrebne analize obavljao je i Zavod za javno zdravstvo HNK/Ž u skladu s Naredbom Štaba civilne zaštite Grada Mostara, broj: 02-40-19/26 od 23. 6. 2026. godine



2. Da li je Zavod izvršio procjenu neposrednih, srednjoročnih i mogućih dugoročnih posljedica po zdravlje stanovništva koje je bilo izloženo dimu, čađi, neugodnim mirisima i povećanim koncentracijama suspendovanih čestica? Ako jeste tražim dostavljanje kompletne procjene rizika i navođenje stručnjaka koji su učestvovali u njenoj izradi. Ako procjena nije izvršena, zbog čega nije izvršena i ko je donio odluku da se ona ne provodi?

Za izradu znanstveno utemeljene procjene zdravstvenih rizika potrebno je imati validirane podatke o vrsti i koncentraciji onečišćujućih tvari kao i o trajanju izloženosti tim potencijalno toksičnim spojevima.

Laboratoriji u Bosni i Hercegovini ne raspolažu specijaliziranom opremom za reprezentativno uzorkovanje kao i za primjenu standardiziranih analitičkih metoda za određivanje toksičnih spojeva u zraku koji su se mogli formirati tijekom neadekvatnog sagorijevanja otpada, uključujući policikličke aromatske ugljikovodike (PAH-ove), poliklorirane bifenile (PCB), dioksine i furane, kao ni akreditirane metode za analize navedenih parametara.

S obzirom na navedeno, svaka procjena zdravstvenih posljedica bez validnih podataka o sastavu i koncentracijama onečišćujućih tvari bila bi stručno i znanstveno neutemeljena.

3. Da li je Zavod nakon požara raspolagao podacima o koncentracijama PM_{10} i $PM_{2,5}$ čestica te drugih zagađujućih i potencijalno toksičnih materija u zraku?

ZZJZ FBiH trenutno nije opremljen s opremom za uzorkovanje i analize toksičnih spojeva koji se mogu naći u zraku, osim analiza radioloških parametara. Oprema za uzorkovanje i za analize toksičnih parametara u zraku, kao što su teški metali, policiklički aromatski ugljikovodici, dioksini, poliklorirani bifenili i drugi toksični spojevi je izuzetno skupa (vrijednosti cca 1.000.000 EUR).

4. Da li su nakon požara izvršene proširene hemijske, mikrobiološke i toksikološke analize vode na izvoru Bošnjaci i vodocrpilištu Salakovac?

Rađene su osnovne analize vode za piće iz javnog vodosnabdjevanja i sa izvora (Bošnjaci, Salakovac, Radobolja, tretirana i netretirana voda, svi dobijeni rezultati su odgovarali zahtjevima važećeg Pravilnika.

5. Metode/parametric analiza zdravstvene ispravnosti i kvalitete vode za piće koje u svojim laboratorijima kontrolira ZZJZ FBiH su akreditirani prema zahtjevima standard BAS EN ISO/IEC 17025 čime se potvrđuje preciznost, strična kompetentnost i vjerodostojnost rezultata (dostupno na linku: http://www.bata.gov.ba/Akreditirana_tijela/Dodaci/LI/LI-96-01.pdf).

6. Ako proširene analize izvorišta Bošnjaci i vodocrpilišta Salakovac nisu izvršene zbog čega nisu izvršene?

Kroz praćenja parametara osnovne analize nisu postojale stručne indikacije za analiziranje dodatnih ciljanih parametara iz proširene analize, jer nisu utvrđena odnosno nađena organska i anorganska onečišćenja u vodi za piće.


7. Koje kriterije Zavod primjenjuje prilikom određivanja izvorišta i područja koja će biti obuhvaćena pojačanim nadzorom nakon ekološkog incidenta?

Isključivi kriteriji koji primjenjuje ZZJZ FBiH su kriteriji definirani prema zahtjevima Pravilnika o zdravstvenoj ispravnosti vode za piće.

8. Da li Zavod može kategorično, stručno i na osnovu odgovarajućih laboratorijskih analiza potvrditi da je voda iz izvorišta Bošnjaci i vodocrpilišta Salakovac nakon požara na deponiji Ubork bila i trenutno potpuno ispravna za piće?

ZZJZ FBiH redovito kontrolira vodu za piće iz javne vodoopskrbe te iz izvorišta Bošnjaci, Salakovac i Radobolja. Prema rezultatima laboratorijskih analiza voda je zdravstvenu ispravna i odgovara propisanim kriterijima Pravilnika o zdravstvenoj ispravnosti vode za piće.

S poštovanjem,



RAVNATELJ

Siniša Skočibušić
Doc. dr. sc. prim. Siniša Skočibušić, dr. med.

Dostavljeno:

1. Naslovu;
2. Pismohrana.